



Warbixinta

Shir-gudoonka ee Kal-fadhigii 39^{aad}

(From 09 March 2019 to 30 May 2019)

Ku: - Mudanayaasha Golaha Wakiilada JSL

Ujedo: - Warbixinta Shir-gudoonka ee Kal-fadhigii 39aad

Kal-fadhigii 39aad

No	Kal-fadhiga	Taariikhda uu furmay	Taariikhda uu xidhmay
1.	39aad	09/03/2019	30/04/2019

Mudanayaal,

Si aynu u gudano hawlaha inoo qorshaysan kal-fadhiga 40aad ee iminka aynu galnay isla markaana aynu u dardar galino, una dhameystirno hawlahii inaga baaqdey kal-fadhigii hore inagoo gudanayna Waajibaadkeena Qaran, waxaan halkan idiinku soo gudbinaynaa wax-qabadkii Golaha ee kal-fadhigii 39aad oo dhamaystiran si aad u xasuusataan waxyaabihii inoo qabsoomay iyo wixii inaga baaqday ee inoogu qorshaysnaa ajandahaas hore.

Kal-fadhigii 39aad ee Golaha waxa u qabsoomay waxyaabo badan oo aad u muhiima kuwaas oo ay ugu waynayeen Ansixintii Xeerarka, Doodo uu Goluhu ka yeeshay Xaaladda Siyasadeed ee Geeska Afrika iyo Wufuudo ajaanib ah oo Goluhu la kulmay, Waxyaabihii Gudiyadda iyo Maamulka Golahaba u qabsoomay si aynu u dardargalino shaqada inoo qorshan *kal-fadhigan 40aad*.

Warbixinada Golaha laga hor akhiraayay

Tar.	Warbixinta	Cid akhridey
17/03/2019	WarbixintaGuddida Joogtada iyo Anshaxa ee Golaha Wakiilada	Md. Axmed Ducaale BulaaleGudoomiyahe Xigeenka Guddida Joogtada iyo Anshaxa
17/03/2019	Warbixinta Shir-guoonka ee Kal-fadhigii 38aad	Mr. Cabdirisaaq Siciid Ayaanle Xoghayaha Guud ee G/Wakiilada
31/03/2019	Warbixinta Gudidda Garsoorka iyo Cadaalada ee Wax ka badalka Xeerka Nidaamka Garsoorka	Md. Siciid Cilmi Rooble Gudoomiyaha Gudidda Garsoorka iyo Cadaalada
08/04/2019	Warbixinta Gudidda Arrimaha Gudaha ee Wax ka badalka Xeerka Gobolada iyo Degmooyinka Xeer Lr.23	Md. C/laahi Xuseen Cige Gudoomiyaha Gudidda Arrimaha Gudaha

Xeerarka uu Goluhu Ansixiyay

No	Mashruuc Sharciga la Ansixiyay	Taariikhda	Halka loo gudbiyay
1.	Xeerka Xawaaladaha	01/04/2019	Madaxweynaha
2.	Wax-ka beddelka iyo Kaabista Xeerka Booliska	13/04/2019	Madaxweynaha
3.	Wax ka badalka iyo Kaabista Xeerka Nidaamka Garsoorka	29/04/2019	Golaha Guurtida

Fadhiyo Wada-jir ah iyo Khudbadsanadeedkii Madaxweynaha

Labada Gole ee Baarlamaanka Somaliland (Guurtida iyo Wakiiladu) waxay yeesheen Fadhi oo wada jir ah **24 March 2019** oo uu Madaxweyne Md. Muuse Biixi Cabdi uu Golaha ka hor akhriyay khudbad sanadeedkiisii Dastuuriga ahaa ee sanadka 2019. Madaxweynuhu wuxuu Mudanayaasha labada Gole u jeediyay Khubad taabanaysa Dhinacyo badan sida Siyaasada Arrimaha Dibada iyo Maal-gashiga Caalamiga ah, Siyaasadda Arrimaha Gudaha, Siyaasada Arrimaha Bulshada ee Caafimaadka iyo Waxbarashada, Sidoo kale wuxuu Ka hadlay Doorashooyinka.



Xeerarka Golaha horyaal ee Qabyada ah

Xeerarka Gudiyadu gacanta ku hayaan

No	Magaca Xeerka	Gudidda gacanta ku heysa
1.	Xeerka Dhaqaalaha Shidaalka	Gudidda Dhaqaalaha
2.	Xeerka Sahminta iyo Soo saarista Shidaalka	Gudidda Deegaanka iyo Kheyraadka Dabiiciga
3.	Xeerka Macdanta	Gudidda Deegaanka iyo Kheyraadka Dabiiciga
4.	Wax ka badalka Xeerka Saxaafada	Gudidda Arrimaha Bulshada iyo Diinta
5.	Xeerka ka hortaga Argagaxisada	Gudidda Arrimaha Gudaha
6.	Wax ka badalka Xeerka Doorashada Guud iyo D/galinta	Gudidda Arrimaha Gudaha
7.	Xeerka Caasimada	Gudidda Arrimaha Gudaha
8.	Xeerka Shaqaalaha Dawlada Hoose	Gudidda Arrimaha Bulshada
9.	Waxa ka badalka iyo kaabista Xeerka Ciqaabta Guud	Gudidda Cadaalada, Garsoorka iyo X. Insaanka
10.	Xeerka Shaqaalaha Baarlamaanka	Gudidda Joogtada iyo Anshaxa
11.	Xeerka Hawlgabka iyo Xaqsiinta Ciidamada	Gudidda Arrimaha Gudaha
12.	Xeerka Garyaqaanka Guud ee Qaranka	Gudidda Cadaalada, Garsoorka iyo X. Insaanka

Xeerarka GoleWaynaha Horyaal

13.	Xeerka Maydhista Lacagta	Akhriski labaad
14.	Wax ka badalka Xeerka Gobolada iyo Degmooyinka	Akhriski labaad

Waxqabadka Guddiyada Golaha Wakiilada

Guddida Joogtada iyo Anshaxa

Sida uu waajibinayo Dastuurka Qaranku iyo Xeer hoosaadka Golaha Wakiiladda waxay Guddida Joogtada iyo Anshaxu hawlaha Golaha sii wadaan muddada uu Goluhu fasaxa ku jiro.

Guddida Joogtada iyadoo gudanaysa waajibaadkeeda Dastuuriga ah ee xil-gudashada hawlaha Qaran, iyadoo ka duulaysa muhiimada ay leeyihiin hawlaha qaran ee ay u hayaan Wasaaradaha Iyo Hay'adaha Madax-Banaani ee Dawlada, Waxa ay Mudanayaasha Guddida Joogtadu kulamo xog-waraysi la yeesheen warbixino kala duwana ka dhagaysteen masuuliyiinta Wasaaradaha iyo Hay'addaha Madaxa-banaan ee Qaranka qaar ka mida.

Waxay kulamo Xog-waraysi Guddidu la yeelatay Masuuliyiintan:-

- Wasiirka Wasaaradda Ganacsiga Warshadaha Iyo Dalxiiska Ee JSL 21/05/2019
- Wasiirka Wasaaradda Wasiirka Wasaaradda Horumarinta Biyaha Ee Jsl 25/05/2019
- Wasiirka Wasaaradda Wasiirka Wasaaradda Arrimaha Gudaha Ee Jsl 28/05/2019
- Warbixin kooban ee booqashada wafti ka socda baarlamaanka Uganda oo Golaha Wakiilada soo booqday 16/05/2019

12/05/2019 Guddida Joogtadu waxay go'aan ka soo saartay Xadhiga Xildhibaan Dhakool iyagoo ka jawaabaya warqad Xeer-ilaaliyaha Qaranku Golaha ugu soo qoray.

Guddida Dastuurka, Garsoorka Cadaalada iyo Xuquuqal Insaanka

12 May 2019 Guddida Cadaaladdu waxay Safar Shaqo ku tagtay Gobolka Saaxil Gaar ahaan Jeelashada Mandheera iyo Magaalada Berbara oo ay Guddidu u kuur galaysay xaalada Maxaabiista, Nolosha Jeelashaas iyo baahiyaha ama caqabada ka jira.

31 March 2019 Waxay Guddida Cadaalada iyo Garsoorku Golewaynaha u soo gudbisay Wax ka badalka Xeerka Nidaamka Garsoorka, Xeerkaas oo Guddidu Warbixin Golaha ka siisay Wax ka badal ay ku soo samaysay.

Guddida Dhaqaalaha, Ganacsiga iyo Maaliyada

01 April 2019 Guddidu waxay kulan la qaadatay Wasiirka Wasaarada Horumarinta Maaliyada Md. Sacad Cali Shire.

09 April 2019 Guddida Dhaqaaluhu Waxay Kulan la yeelatay Wasiirka Boosaha iyo Isgaadhsiinta.

22 April 2019 Waxay Safar qaatay mudo 4 maalmood ah ku tagtay Gobolada Saaaxil iyo Togdheer, safarkaas oo ujeedadiisu waxay kormeerida iyo xog-ogaal u noqoshada Ilaha Dakhliga ee Dalka.

Guddida Arimaha Bulshad iyo Diinta

14 May 2019 Gudidda Arrimaha Bulshadu Waxay Safar ku tagtay Degmooyinka Baligubadle iyo Salaxlay, iyado Gudiddu booqatay Goobaha Caafimaadka Degmooyinkaas kana xogwaraystay xaalada Caafimaad iyo baahiyaha Degmooyinkaas.

12 June 2019 Gudiddu waxay kulan la yeelatay Wasiirka Caafimaadka oo Gudiddu kala hadashay isla markaana Wasiirka la wadaagtay Warbixinta Xogtii Safar ay ku tageen Degmooyinka Buligubadle iyo Salaxlay.

Guddida Arimaha Gudaha iyo Nabadgelyada

08 April 2019 Gudidda Arrimaha Gudaha iyo Nabadgalyadu Waxay Golewaynaha u soo Gudbisay Wax ka badalka Xeerka Ismaamulka Gobolada iyo Degmooyinka ka dib markii Gudiddu wax ka badal iyo naaqishaad ku soo samaysay Xeerkaas oo Xukuumadu Golaha u soo gudbisay Markii hore.

Guddida Arimaha Gudaha iyo Nabadgelyada

17 May 2019 Gudoomiyaha Gudidda Arimaha Dibadda ee Golaha Wakiilada **Md. Axmed Cabdi Nuur (Kijaandhe)** oo ay weheliyaan gudoomiye kuxigeenka Gudidaas Mudane Cabdicasiis Ismaaciil Ducaale iyo gudoomiye ku xigeenka Gudidda joogtada ah Mudane Axmed Ducaale bulaale iyo xubin Guddida dhaqaalaha ah Xildhibaan Axmed Maxamed Diiriye (Nac nac) ayaa kulan xarunta Baarlamaanka kula yeeshay xildhibaan ka socda dalka KENYA oo dalka u yimi ka qayb qaadashada maalinta dib ula soo noqoshada Madaxbanaanida Somaliland.

Guddida Ilaalinta iyo Dabagalka Hantida Qaranka

05/06/2019 waxa Guddida Ilaalinta iyo Dabagalka Hantida Qaranku safarku tagtay Gobolada dalka, safarkan oo u jeedadiisu daba socotay xogogaal u noqoshada masharaaciidkuu laga fuliyey Gobolada dalka, isla markaana ku cad xisaab xidhka 2017 ee Golaha horyaala.

11/6/2019 waxa Guddida Ilaalinta iyo Dabagalka Hantida Qaranku saxafka ku tagtay Gobolka Sanaag, gaar ahaan degmooyinka Ceerigaabo, Ceel-afweyn iyo Gar'adag taas oo uu u wakiishay shirguddoonka Golaha Wakiilada, si ay xogogaal ugu noqdaan Golaha Warbixin uga keenaan xaalada dhabta ah eek a jirta degmooyinkaas aynu kor ku soo sheegnay, iyada oo Gudiddu la kulantay waxaradka, Gudoomiyaha Gobolka, Saraakiisha ammaanka ee kala duwan ee Gobolka jooga iyo masuuliyiinta degmooyinka Ceel-afweyn iyo Gar'adag.

13/03/2019 waxa Guddida Ilaalinta iyo Dabagalka Hantida Qaranku la kulantay Wasiirkii hore ee Wasaarada Qorshaynta Qaranka, ay uga waraystaan shaqada culus ee Wasaaradu u

hayso Qaranka, sida uu yahay nidaamka shaqo ee ay ku shaqayso Wasaaradu, kulankaas oo ku dhammaaday Isfahan iyo isla shaqayn uu la yeesho Golaha Wakiilada.

Gudi gaar ah (Ad hoc Committee) loo saaray Xeer Lr. 23

27 April 2019 Gudoomiyaha Goluhu wuxuu Gudi gaar ah (Ad hoc Committee) Wax ka badalka iyo Kaabista Xeerka Ismaamulka Gobolada iyo Degmooyinka Xeer Lr. 23/2003, Xeerkaas oo Goluhu dood dheer ka yeeshay ayaa Gudiddaas loo xilsaaray inay isku soo guraan isla markaana isla meel dhigaan Qodobo badan oo Xeerka ah, Gudiddaasi waxay ka koobnayd:-

1. Md. Cali Maxamed Aadan (Cali Barre)
2. Md. Maxamed Cali Xirsi
3. Md. Xuseen Ismaaciil Yuusuf
4. Md. Xasan Muuse Hufane
5. Md. Siciid Cilmi Rooble
6. Md. C/raxman Cismaan Caalin

Qalabka Muuqaal Duubaha CCTv lagu Xidhay Golaha

Bishii May 2019 waxa laga hirgaliyay Golaha in lagu xidho Qalabka muuqaal duubaha CCTv qalabkaas oo wax wayn ka taraya Amniga iyo xasiloonaada Aqalka Golayaasha iyo sidoo kale inay cadaymo reebaan tixraac noqda wax kasta oo Golaha ka dhaca, Waxa Golaha lagu rakibay 27 kamaradood oo lagu xidhay meelo kala duwan, kamaradahaas waxaa loo kala qaaday laba qaybood qayb lagala soconaya dhamaan dhaq-dhaqaaqyada Golaha dibad iyo guduba, halka qaybta kala laga soconayo hoolka fadhiga Golewaynaha oo ay toos u duubayso muuqaalka gudaha hoolka.





Wufuudihii Dalka Yimi ee Golaha soo booqday

Shir-gudoonka Golaha Wakiilada oo kulan la qaatay Wafti dalka Eretira ka socday oo dalka yimi

01 April 2019 Gudoomiyaha Golaha wakiilada Md. Baashe Maxamed Faarax oo ay weheliyaan gudi Hoosaadka arimaha Debeda ee Golaha wakiilada ayaa maanta Xarunta Golaha ku qaabiley weftigii Balaadhnaa ee Eraterian-ka ahaa ee uu hogaaminayay wasiirka arrimaha dibadda dalka Ereteriya, Mudane Cismaan Saalax Maxamed oo beryahanba safar shaqo ku joogay Somaliland.



Kulanka oo saacado dhawra qaatay ayay labada dhinac kaga wada hadleen xidhiidhka labada dal iyo sidii loo sii xoojin lahaa waxaanay shirgudoonka iyo mudanayaashii ku wehelinayay kuylanku uga xaal warameen dalka Somaliland iyo marxalada uu taagan yahay iyo inay ka go'an tahay inay gacmo furan ku qaabilayaan isbedelka geeska iyo sidii labada dal intaas isaga sii dhawaan lahaayeen.

Gudoomiyaha golaha Mudane Baashe Maxamed Faarax ayaa warbaahinta uga waramay

wixii kulankaas lagaga wada hadlay iyo inuu ku soo gebogeboobay isafaham Somaliland iyo mandaqadaba muhiim u ah

Shir-gudoonka Golaha Wakiilada oo la kulmay Weftigii EU-da

03 April 2019 Gudoomiyaha Golaha wakiilada **Md. Baashe Maxamed Faarax**, oo ay weheliyaan gudoomiye ku-xigeenka Golaha wakiilada JSL mudane **Axmed-Yasiin sh. Cali Ayaanle**, Gudoomiyaha gudida arimaha Gudaha **Cabdilaahi Xuseen Cige (Balaaki)** iyo xoghayaha guud ee Golaha wakiilada **Md Cabdirisaaq Siciid Ayaanle** ayaa maanta kulan la qaatay weftigii safiiradda Yurub (EU-da) ka socday ee shalay dalka safarka shaqo ku yimi.



Weftigan oo uu hogaaminayay safiirka EU-da **Fulgencio Garrido Ruiz** kana koobnaa safiirada dalalka (**UK, Denmark, Sweden, Norway, Finland, Swizerland Iyo Madaxa Xafiiska Hargeysa ee UK**) ayay labada dhinac ka wada hadleen Mawduucyo dhawra oo ay ka mid tahay qabsoomida doorashada , saami qaybsiga kuraasta gobolada, xeerarka doorashooyinka iyo kootada dumarka.

Gudoomiye Baashe ayaa weftiga u xaqiijiyey ka go'naanshahooda in doorashada golaha wakiiladu ku qabsoonto waqtigii loo mudeeyey diyaaarna ay u yihiin inay kuraasta baneeyaan.

Sidoo kale gudoomiyaha golaha wakiiladu wuxuu weftiga u sheegay inay diyaar u yihiin inay ansixiyaan xeerarka doorashada balse arinta keliya ee ay u cadilan tahay ay tahay Saami qaybsiga kuraasta Gobolada oo aanay suurto gal ahayn in ay xildhibaanadu jaaan gooyaan maadaama xildhibaan waliba deegaan ka soo jeedo oo qadiyadaasi tahay mid u baahan wadatashi qaran.

Kulankan oo ay ka hadleen safiiro dhawr ahi ayay dhamaantood shir gudoonka uga mahadnaqeen sida ay uga go'an tahay qabsoomida doorashadu muhiimad gaaar ahna ay arintaas siinayaan weftigoodu. Gebagebadii kulanka ayaa ku dhamaaday is-faham buuxa oo labada dhinac ah.

Gudoomiyaha Golaha wakiilada oo Xafiiskiisa ku qaabilay Safiirka dalka Germany u fadhiga Nairobi

08 April 2019 Gudoomiyaha Golaha Wakiilada **Md. Baashe Maxamed Faarax** ayaa xafiiskiisa kulan kula qaatay wefti ka socda dalka Jarmalka oo ay hoggaaminayso safiirka waddanka Jarmalka u fadhida Kenya Ambassador Annett Günther oo uu weheliyo Safiir ku xigeenkeeda, Mr. Markus Bollmohr.

Ambassador Gunther waxay ka wada hadleen Gudoomiyaha Golaha Wakiilada Mudane Baashe arrinta doorashooyinka, waxay si qoto dheer u lafagureen sidii ay dooraashada u qabsoomi lahayd wakhtii loo asteeyey iyo sidii ka baarlamaan ahaan dhankooda ay dedaalo dheerada ka sameeyaan wixii kaga beegan gaar ahaan samaynta shuruucda qabyada ah ee la xidhiidha doorashooyiska. Waxay kale oo ka wadaa hadleen sidii qaran ahaan ay hawlaha loo bahaanyahay iska dhameeyeen intaan doorashada wakhtigeeda la gaadhin.



Gudoomiye Baashe waxaa uu si mug iyo miisaan leh ugu wargaliyey inaanay iyaga kursi jaceyl hayn xildhibaanaduna diyaar u yihiin xili kasta oo ay doorasha qabsoonto inay baneeyaan kuraasta fursadna siiyaan dhalinta siyaasiyiinta da'da yar ee raba Inay noqdaan xildhibaan, balse waxaa uu gudoomiye baashe sheegey inay jiraan caqabado ku gedaaman doorashada oo ay ka mid tahay arinta saami qaybsiga kuraasta baarlamaanka taasi oo ah caqabad u baahan in si wada jira oo qaran loo xaliyo, arinta kale ee u baahan in la xaliyana waa arinta komishanka ee xisbiga Dawlada iyo xisbiga mucaaradka ee waddani aanay wali ka heshiin, taasi oo ah arrin iyadu u baahan in laga gaadho xal degdega, Gudoomiye Baashe wuxuu sheegey in ka baarlamaan ahaan ay diyaar ka yihiin xeerarka la xidhiidha doorashada balse ay u taagenyihiin saamiga kuraasta oo aan wali la xalin.

Kulankani wuxuu ku dhamaadey jawi waanagsan, baashena wuxu ku wargaliyey inay arrimaha yaala ee doorashada isha allaah qaran ahaan iyagu dhamaysan doonaan sidii awalba loo dhamaynjirey muranada siyaasida ah, rajaweyna uu ka qabo inay doorashadu xiligeeda ku dhacdo.

Gudoomiye Baashe ayaa si gaar ah Safiirada uga mahad celiyey mashaariicda horumarineed ee ay dalka ka wadaan wadankooda Jarmalku isla markaana ku dhiiri geliyey sidii ay kor ugu sii qaadi lahaayeen.

Shir-gudoonka Labada Gole ee Baarlamaanka ayaa kulan la yeeshay Madaxweynihii hore ee Dalka Nigeria

05 May 2019 Gudoomiyaha Golaha Wakiilada Md. **Baashe Maxamed Faarax**, Gudoomiye ku-xigeenka 1aad ee Guurtida Md. **Siciid Jaamac Cali** iyo Gudoomiye ku-xigeenka 1aad ee Golaha Wakiilada Md. **Axmed-Yaasiin Sh Ali Ayaanle** ayaa maanta kulan Xarunta Golaha Wakiilada kula qaatay Madaxweynihii hore ee dalka NIGERIA **Olusegun Obasanjo** dalka Booqasho laba maalmood ah ku yimi.

Olusegun Obasanjo oo 8 sanadood madaxweyne ka ahaa dalka Nigeria isla markaana 4 sano hogaan u ahaa Ururka Midowga qaramada Afrika imikana ah Guddoomiyaha hay'adda Brenthurst Foundation oo ka shaqaysa horumarinta dhaqaalaha Afrika iyo hirgelinta nidaamyada caalamiga ayaa shirgudoonka u sheegay inuu dalka u yimi inuu xog ogaal u noqdo xaalada Somaliland isla markaana uu indho indheynayo xaqiiqada taala dalka si uu gacan uga geysto Halganka Somaliland ugu jirto Himaladooda.

Gudoomiyaha Golaha wakiilada ayaa weftiga u sharaxay dalka Somaliland iyo taariikhdeeda soo jireenka ah waxa uu tilmaamay Gudoomiye Baashe in Somaliland oo 26 Juun 1960kii xornimadeeda ka qaadatay dalka ingiriisku ay la midowday Somaalidii Koonfurta oo talyaani gumaysan jiray isla markaana ay midoobeen 1dii July 1960kii, waxa uu ka waramay wixii ay midowgii kala kulmeen isla markaana ay 18 may 1991kii ay xoriyadoodii dib ugala soo noqdeen soomalidii konfureed ee ay 1960kii la midoobeen.



Waxa uu gudoomiye baashe u sharaxay sida aanay Somaliland u ahayn dal cusub oo hadda la samaynayo ama xuduud cusub qaarada afrika ku soo kordhinaya ee ay waafaqsan tahay mabaadiida Qaramada afrika saldhiga u ah ee salka ay u tahay xuduudihii gumaystuhu qaarada u dejiyey 1884kii.

Warbixin dheer oo gudoomiyuhu xaalada Somaliland ugu sharaxay ayuu sheegay in ay Somaliland ka badbaaday faragelin dibadeed oo ay kaga soo gudbeen Talada odayada dhaqanka, wadatashi iyo isu tanaasul siyaasadeed taas oo umada reer Somaliland u

horseeday inay ku guulaysataan dhisida dalkooda iyo inay ka hirgeliyaan dimuqraadiyad buuxda ooh al cod iyo hal qof ah.

Wafiti Xildhibaanada Dalka Kenya ka socda oo Dalka yimi isla markaana kulan la yeeshay Golaha

17 May 2019 Gudoomiyaha Gudidda Arimaha Dibadda ee Golaha Wakiilada **Md. Axmed Cabdi Nuur (Kijaandhe)** oo ay weheliyaan gudoomiye kuxigeenka Gudidaas Mudane Cabdicasiis Ismaaciil Ducaale iyo gudoomiye ku xigeenka Gudidda joogtada ah Mudane Axmed Ducaale bulaale iyo xubin Guddida dhaqaalaha ah Xildhibaan Axmed Maxamed Diiriye (Nac nac) ayaa kulan xarunta Baarlamaanka kula yeeshay xildhibaanada ka socda dalka KENYA oo dalka u yimi ka qayb qaadashada maalinta dib ula soo noqoshada Madaxbanaanida Somaliland.

Weftigan xildhibaanada ah ee KENYA ka socda oo qayb ka mid ahina galabta dalka soo gaadhi doonto ayaa waxa hogaaminayay **MP Safiya Cabdi Nuur** iyo Gabadh Ganacsade ah oo reer Somaliland ah oo la yidhaahdo **Sacdiya Cabdi Faarax** waxaana ku wehelinayay 5 xildhibaan oo kale oo laga soo kala doorto county-yada kala duwan ee dalkaas Kenya.



Xildhibaanada iyo Gudoomiyaha gudi hoosaadka arimaha debeda ayaa uga xaal waramay taariikhda Somaliland iyo sida ay dib xoriyadoodii ugala soo noqdeen koonfurta Somalia. Sidoo kale waxa ay u sharaxeen taariikhaha ay wadaagaan KENYA oo ingiriisku wada gumaysan jiray, Waxa ay uga mahadnaqeen safarkoodan iyo inay dalka Somaliland yimaadaan waxaanay.

Waxa iyaguna shirka hadalo ka jeediyey dhamaan xildhibaanadii KENYA ka socday oo tilmaamay inay aad iyo aad ugu faraxsan yihiin waxan ay indhahooda ku arkeen iyo sida aynu u dhisanay dawlad dimuqraadi ah oo horumar badan ku talaabsatay.

Waxa ay tilmaameen inay doonayaan inay abuuraan xidhiidh intan ka dhow oo u dhexeeya labada baarlamaan iyo labada dawladdoodba ah taas oo inoo horseedayna bay yidhaahdeen inaynu ganacsi labada dhinacba ka imanaya is waydaarsano.

Waxa ay xildhibaanadu carabka ku adkeeyeen inay Somaliland kala shaqayn doonaan dhinac walba culayskana ay saari doonaan sidii ay Ictiraaf caalamka uga heli lahayd

maadaama buu yidhi ay iyadu kasbatay wanaagaas MP JARHET MBIOKI oo arintaas ka hadlayay.

Markii kulanku dhamaaday ayaa Xildhibaanada waxa lagu soo wareejiyey xarunta guud loona sharaxay, sidoo kalena Gudoomiyaha Gudida arimaha Debeda ayaa Gudoonsiiyey Hadyad taariikhi ah oo uu ugu talo galay weftiga.

Kulan aqoon iswaydaarsi Baarlamaanka ka qayb-galay.

10 April 2019 ayaa waxa loo soo gebagebeeyey Kulan Hawleed laba maalmood u socday qaar ka mid ah Xildhibaanada iyo Shaqaalaha Baarlamaanka (Guurtida iyo Wakiilada).

Kulankan oo kor loogu qaadayay fahamka Xildhibaanada iyo hawl wadeenada golayaasha ee Dooraka Baarlamaanku ku leeyahay Qorshaha 2030 iyo Yoolasha horumar Waara.



Ka qaybgalayaashii kulanka ayaa si hufan isula falanqeyey shalay iyo maanta sida ugu haboon ee looga qayb qaadan karo iyadoo khubaro aqoon durugsan u leh mawduucyadii la qaadanayay oo isugu jiray ajnebi debeda looga keenay mawduucan Iyo khabiir Soomaali ah ay si wadajir ah ugu tacliimiyeen ka qayb galayaashii kulan hawleedkan.

Shirgudoonka Golaha oo Kulan la qaatay Arday Barata Hogaaminta

13 March 2019 Shirgudoonka Golaha Wakiilada ayaa maanta Xarunta Golaha ku qaabilay Koox dhalinyaro ah oo isugu jira wiilal iyo gabdho Barta Maamul wanaaga. Gudoomiyaha Golaha Md. Bashe Mohamed Farah, Gudoomiyaha Guddida Arrimaha Bulshada Mud, Cabdiraxman Cisman Caalin, Xildhiban Axmed M. Diiriye (Nacnac), Xoghayaha Guud ee Golaha Mr. C/risaaq Siciid Ayaanle iyo Agaasimaha waaxda qorsheynta Cabdinasir Cisman Maxamuud ayaa kulan la qaatay waxaanay uga xaal warameen mudadii ay joogeen kooxdan dhalinyarada ahi golaha Xaalada guud ee dalka Habmaamulka iyi nidaamka sharci dejineed ee dalku heerarka ay mar to iyo sidoo kale Nidaamka wada shaqayneed ee Hay'addaha dawlada iyo sida ay ula xisaabtamaan Xukuumada.



Dhalinyaradan barata Tababarka iyo aqoonta maamul wanaaga ayaa waxa Gacanta ku haya Xarunta CPA waxaanay maalintii shalay si la mida kulankan la qaateen Madaxweyne ku-xigeenka dalka JSL mudane Cabdiraxmaan Cabdilaahi ismaaciil Saylici).

Golaha Waiilada oo Kulan Wadatashi Laba Maalmood ah u qabtay Xeerka Maydhista Lacagaha

23 May 2019 Golaaha Wakiilada ayaa kulan wadatashi (**Public Consultation Workshop**) Laba maalmood socday u qabtay Xeerkan oo lagu soo martiqaaday daneeyayaasha iyo inta uu saamayn doono dhaqan galkiisu ayaa talooyin dheeraada lagu waydiistay si ay waxtar iyo talo badi ugu noqoto Xeerka Maydhista lacagaha oo akhriskii 3aad galay hor yaalana gole weynaha.



kulankan ayay goob joog ka ahaayeen badiba xubnaha gudida dhaqaalaha ee Golaha iyo gudoomiyaha gudidaas Mudane Cumar Axmed Saleebaan (Cumar Sanweyne) iyo xoghayaha guud ee Golaha wakiilada mudane Cabdirisaaq Siciid Ayaane waxa kale oo ka soo qayb galay gudoomiyaha Baanka Dhexe Md. Cali Ibraahim (Baqdaadi) Agaasimaha

guud ee wasaarada Maalgashiga, Agaasimaha Waaxda Financial Sector-ka ee wasaarada Maaliyada, ku simaha Agaasimaha guud ee Wasaarada Qorshaynta iyo madaxda xawaaladaha iyo baananka gaarka loo leeyahay.

Gudoomiyaha Baanka dhexe Cali Ibraahim iyo Gudoomiyaha gudida dhaqaalaha ayaa ka soo qayb galayaashii shirka ka dalbaday in ay si wanaagsan u contribute gareeyaan qodobo dheeraad ah oo xeerkan kaabis loogu sameeyey, isla markaana u sheegay inay mar labaad uga maarmi waayeen inay bulshada iyo hay'addaha maaliyada talo urursi kale kala sameeyaan.

Gudoomiyaha Gudida Dhaqaalaha **Cumar Sanweyne** Xoghayaha guud ee Golaha Wakiilada C/risaaq Ayaanle iyo Xildhibaan Siciid Maxamed Cilmi oo gudida dhaqaalaha ka tirsan ayaa faahfaahin ka bixiyey iyo sharaxaad kooban asbaabta keentay in mar kale bulshada wax laga waydiiyo.

Waxaana halkaas qodob qodob iyo nuxurka xeerka ka soo qayb galayaasha ugu sameeyey faahfaahin dheeraada Labada Lataliye ee Dhanka Sharciga ee Golaha wakiilada JSL Mudane Cabdiraxmaan Hirad Jaamac iyo Cabdirisaaq Maxamed Siciid oo soo naaqishay Xeerka.

Wadatashigan Bulsheed ee loo qabtay xeerka oo laba maalmood qaatay 22-23 May 2019 ayaa si habsami leh loogu soo xidhay Huteel Maansoor ee magaalada Hargeysa.

Golaha Deegaanka Degmada Burco oo kulan la yeeshay Gudoomiyaha Golaha wakiilada

25 March 2019 ayuu Gudoomiyaha Golaha Wakiilada JMd. Baashe Maxamed Faarax kulan balaadhan la qaatay Xildhibaanada Golaha Deegaanka Degmada Burco oo uu gudoominayay Gudoomiyaha Golaha Deegaanka Burco ahna Duqa magaalada Burco Mudane Maxamed Yuusuf Cabdiraxmaan (Muraad) iyo 16 xildhibaan oo ka tirsan golahaas.

Shirka waxa Gudoomiyaha Golaha Wakiilada ku wehelinayay Gudoomiyaha Gudi hoosaadka Arimaha Gudaha Cabdilaahi Xuseen Cige (Balaaki) Xoghayaha Guud ee Golaha Mudane Cabdirisaaq Siciid Ayaanle, Gudoomiyaha Gudi Hoosaadka Deegaanka iyo khayraadka Dabiiciga ah Mudane Maxamed X Yuusuf (Waabeeyo) iyo xildhibaan Saleebaan Diiriye Bare oo ka tirsan Gudi hoosaadka Dabagalka Hantida Qaranka.

Golaha Deegaanka ee Degmada Burco ayaa Golaha Wakiilada u soo gudbiyey talo bixin ku saabsan Xeerka Ismaamulka gobolada iyo degmooyinka Xeer Lr. 23/2001 iyo Xeerka midaynta Cashuuraha Xeer Lr.12/2000. Nuxurka qoraalka ay u soo gudbiyeen golaha ayaa wuxuu ahaa in Goluhu hoos u eego Maamul daadejintii dastuurku sameeyey iyo adeegyada bulshada ee golayaaasha Deegaanka dastuurka iyo xeer Lr.23 siiyey inaan Dawlada dhexe shuruuc kale ku sharciyaysanin, sidoo kalena waxay talo bixin ka geysteen Xeerka Midaynta cashuuraha oo ay sheegeen in 10%ka Kastamada iyo 12.5 ka Kabka dawlada hoose inta la mideeyo in degmooyinka dalka si siman loogu qaybiyo.

Mayorka iyo xildhibaanadii madasha saaka ka hadlay ayaa ka cawday iin Xoolaaha oo Burco khayraad u ah aanay ka helin wixii ay xaqa u lahaayeen oo ay ka qatan yihiin.

Gudoomiye Baashe M Faarax ayaa Golaha Deegaanka Burco uga mahadnaqay sida asluubaysan ee sharciga ah ee ay gartooda u akhristeen goluhu isla markaana aanay marnaba ka gole ahaan aqbalaynin in dastuurka sharci ka hor imanayaa uu golohooda dhaafo isla markaana xaqa iyo xuquuqda golayaasha deegaanku leeyihiin ay ka shaqaynayaan sidii ay u heli lahaayeen.

C/risaaq Siciid Ayaanle
Xog-hayaha Guud ee Golaha Wakiilada JSL.